

摘藻堂四庫全書薈要

史部

欽定四庫全書薈要

史部  
元史卷八十八  
六至八

詳校官內閣侍讀臣孫球



欽定四庫全書蒼要卷六千四百六十五

史部

元史卷八十六

明翰林學士亞中大夫知制誥兼修國史宋濂等修

第三十六

百官志二

樞密院秩從一品掌天下兵甲機密之務凡宮禁宿衛  
邊庭軍翼征討戍守簡閱差遣舉功轉官節制調度無  
不由之世祖中統四年置樞密副使二員僉書樞密事

一員至元七年置同知樞密院事一員院判一員二十八年始置知院一員增院判一員又以中書平章商量院事大德十年增置知院二員同知五員副樞五員僉院五員同僉三員院判二員至大三年知院七員同知二員副樞二員僉院一員同僉一員院判二員革去議事平章延祐四年以分鎮北邊增知院一員五年增同知一員後定置知院六員從一品同知四員正二品副樞二員從二品僉院二員正三品同僉二員正四品院

判二員正五品叅議二員正五品經歷二員從五品都  
事四員正七品承發兼照磨二員正八品架閣庫管勾  
一員正九品同管勾一員從九品掾史二十四人譯史  
一十四人通事三人司印二人宣使一十九人銓寫二人  
蒙古書寫二人典吏一十七人院醫二人

客省使秩從五品大使二員副使二員至元十四年  
置大使一員十六年增一員二十一年增副使一員  
延祐五年增一員天曆元年又增一員尋定置大使

二員從五品副使二員從六品令史二人

斷事官秩正三品掌處決軍府之獄訟至元元年始置斷事官二員八年增二員十九年又增一員二十年又增二員大德十一年又增四員皇慶元年省二員後定置斷事官八員正三品經歷一員從七品令史六人譯史一人通事知印奏差典史各一人

行樞密院國初有征伐之事則置行樞密院大征伐則止曰行院為一方一事而設則稱某處行樞密院或與

行省代設事已則罷

西川行樞密院中統四年始置設官二員管四川軍民課稅交鈔打捕鷹房人匠及各投下應管公事節制官吏諸色人等并軍官遷授征進等事始置於成都至元十年又於重慶別置東川行樞密院設官一員十三年併為一員尋復分東川行院十六年罷兩川行院二十八年復立四川行院於成都

江南行樞密院至元十年罷河南省統軍司漢軍都元

帥山東行院置荆湖等路行院設官三員淮西行院設  
官二員掌調度軍馬之事十二年罷行院十九年設於  
揚州岳州俱立行院各設官五員二十一年立沿江行  
院二十二年立江西行院馬軍戍江州步軍戍撫州二  
十八年徙岳州行院於鄂州徙江淮行院於建康其後  
行院悉歸行省

甘肅行樞密院至大四年置行院於甘州為甘肅等處  
行樞密院設官四員提調西路軍馬後以甘肅省丞相



提調遂罷行院

河南行樞密院致和元年分置專管調遣之事天歷元年罷

嶺北行樞密院天歷二年置知院一員同知二員副樞一員僉院二員同僉一員院判一員經歷一員都事二員蒙古筆且齊四人掾史二人克埒穆爾齊一人知印一人宣使四人掌邊軍務凡大小事宜悉從裁決

右衛秩正三品中統三年初置武衛至元元年改為

侍衛八年改為左右中三衛掌宿衛扈從兼屯田國

有大事則調度之二十年增都指揮使一員副都指

揮使一員二十一年置僉事二員大德十一年增都

指揮使二員副都指揮使一員至大元年增都指揮

使三員副都指揮使一員四年省都指揮使五員副

都指揮使二員後定置都指揮使三員正三品副都

指揮使二員從三品僉事二員正四品經歷二員從

七品知事二員照磨一員俱從八品令史七人譯史

通事知印各一人又其屬十有五

鎮撫所鎮撫二員

行軍千戶所十秩正五品達嚕噶齊十員副達嚕  
噶齊十員千戶十員副千戶十員彈壓二十員百  
戶二百員知事十員

努軍千戶所一秩正五品達嚕噶齊一員千戶一  
員彈壓二員百戶十員

屯田左右千戶所二秩正五品達嚕噶齊二員千

戶二員彈壓二員百戶四十員

教官二員蒙古字教授一員儒學教授一員掌諸屯  
衛行伍耕戰之暇使之習學國字通曉書記初由  
樞府選舉後歸吏部

左衛秩正三品至元八年以侍衛改置掌宿衛扈從  
屯田國有大事則調度之是年增副都指揮使一員  
十六年增副都指揮使一員二十年置僉事一員二  
十二年增僉事一員二十四年省都指揮使副都指

揮使一員大德十一年增都指揮使五員副都指揮使二員僉事二員至大四年省都指揮使六員副都指揮使二員其後定置衛官都指揮使三員正三品副都指揮使二員從三品僉事二員正四品經歷二員從七品知事二員照磨一員俱從八品令史七人譯史通事知印各一人其屬十有五

鎮撫所鎮撫二員

行軍千戶所凡十秩正五品達嚕噶齊十員副達

嚕噶齊十員千戶十員副千戶十員彈壓二十員  
百戶二百員知事十員

弩軍千戶所一秩正五品達嚕噶齊一員千戶一  
員彈壓二員百戶十員

屯田左右千戶所二秩正五品達嚕噶齊一員千  
戶二員彈壓二員百戶四十員

教官二蒙古字教授一員儒學教授一員

中衛秩正三品至元八年以侍衛改置掌宿衛扈從

兼營屯田國有大事則調度之是年置都指揮使一員副都指揮使一員二十年增副都指揮使一員二十一年置僉事二員二十二年增都指揮使一員大德十一年增都指揮使二員副使三員至元元年增都指揮使一員四年省都指揮使三員副都指揮使三員其後定置都指揮使三員正三品副都指揮使二員從三品僉事二員正四品經歷二員從七品知事二員承發架閣照磨一員俱從八品令史七人譯

史通事知印各一人其屬十有五

鎮撫所鎮撫二員

行軍千戶所十秩正五品達嚕噶齊十員副達嚕  
噶齊十員十戶十員副千戶十員彈壓二十員百  
戶二百員知事十員

弩軍千戶所一秩正五品達嚕噶齊一員千戶一  
員彈壓二員百戶十員

屯田左右千戶所二秩正五品達嚕噶齊二員千



戶二員彈壓二員百戶四十員

教官二蒙古字教授一員儒學教授一員

前衛秩正三品至元十六年以侍衛親軍勅置前後  
二衛掌宿衛扈從兼營屯田國有大事則調度之是  
年置都指揮使一員副都指揮使二員十八年增都  
指揮使二員二十年置僉事一員大德十一年增都  
指揮使五員副都指揮使一員僉事三員至大四年  
省都指揮使五員副都指揮使一員僉事三員後定

置衛官都指揮使三員正三品副都指揮使二員從  
三品僉事二員正四品經歷一員從七品知事二員  
承發架閣照磨一員俱從八品令史七人譯史通事  
知印各一人又其屬十有七

鎮撫所鎮撫二員

行軍千戶所十秩正五品達嚕噶齊十員副達嚕  
噶齊十員千戶十員副千戶十員彈壓二十員百  
戶二百員

弩軍千戶所一秩正五品達嚕噶齊一員千戶一員彈壓二員百戶十員

屯田千戶所二秩正五品達嚕噶齊二員千戶二員彈壓二員百戶四十員

門尉二平則門尉一員順承門尉一員

教官二蒙古字教授一員儒學教授一員

後衛秩正三品至元十六年以侍衛親軍勅置掌宿衛扈從兼營屯田國有大事則調度之是年置都指

揮使二員副都指揮使二員後增設副都指揮使一員十八年增都指揮使二員二十年置僉事二員大德十一年增都指揮使五員副都指揮使一員僉事二員至大四年省都指揮使五員副都指揮使二員僉事二員後定置都指揮使三員正三品副都指揮使二員從三品僉事二員正四品經歷二員從七品知事二員照磨一員俱從八品令史七人譯史二人知印一人通事二人其屬十有四

鎮撫所鎮撫二員

行軍千戶所十秩正五品達嚕噶齊十員副達嚕  
噶齊十員千戶十員副千戶十員彈壓二十員百  
戶二百員

弩軍千戶所一秩正五品達嚕噶齊一員千戶一  
員彈壓二員百戶十員

屯田千戶所一秩正五品達嚕噶齊一員千戶二  
員彈壓二員百戶四十員

教官二蒙古字教授一員儒學教授一員

武衛親軍都指揮使司秩正三品掌修治城隍及京師內外工役兼大都屯田等事至元二十六年樞密院以六衛六十大都屯田三千人近路迤南萬戶府一千人總一萬人立武衛設官五員元貞大德年間累增都指揮使四員至大三年省都指揮使四員副都指揮使一員後定置衛官達嚕噶齊一員正三品都指揮使三員正三品副都指揮使二員從三品

僉事二員正四品經歷二員從七品知事二員照磨  
一員俱從八品令史七人譯史通事知印各一人其  
屬十有五

鎮撫所鎮撫二員

行軍千戶所七秩正五品達嚕噶齊七員副達嚕  
噶齊七員千戶七員副千戶七員百戶一百四十  
員彈壓一十四員

屯田千戶所六秩正五品達嚕噶齊各一員千戶

六員百戶六十員彈壓六員

教官二蒙古字教授一員儒學教授一員

隆鎮衛親軍都指揮使司秩正三品掌屯軍徼巡盜賊於居庸關南北口統領欽察阿蘇護軍三千六百九十三人屯駐東西四十三處皇慶元年陞隆鎮萬戶府為隆鎮衛置都指揮使三員副都指揮使二員僉事二員延祐二年又以哈喇婁軍千戶所併隸東衛四年置色目經歷一員至治二年置愛滿知事一



員後定置衛官都指揮使三員正三品副指揮使二員從三品僉事二員正四品經歷二員從七品知事二員承發兼照磨一員俱從八品令史七人譯史通事知印各一人其屬十有二

鎮撫所鎮撫二員

北口千戶所秩正五品達嚕噶齊一員千戶一員百戶七員於上都路龍慶州東口置司

南口千戶所秩正五品達嚕噶齊一員千戶一員

百戶一員彈壓一員於大都路昌平縣居庸關置  
司

白羊口千戶所秩正五品達魯噶齊一員千戶一  
員百戶二員彈壓一員於大都路昌平縣東口置  
司

牌樓口千戶所秩正五品達魯噶齊一員千戶一  
員百戶二員彈壓二員於應州金城縣東口置司  
古北口千戶所秩正五品達魯噶齊一員千戶一

員百戶六員彈壓一員於檀州北面東口置司

遷民鎮千戶所秩正五品達嚕噶齊一員千戶一

員百戶六員彈壓一員於大寧路東口置司

黃花鎮千戶所秩正五品達嚕噶齊一員千戶一

員百戶六員彈壓一員於昌平縣東口置司

蘆兒嶺千戶所秩五品達嚕噶齊一員千戶一員

百戶六員彈壓一員於昌平縣本口置司

太和嶺千戶所秩五品達嚕噶齊一員千戶一員

百戶六員彈壓一員於大同路昌邑縣本隘置司  
紫荊關千戶所秩五品達嚕噶齊一員千戶一員  
百戶六員彈壓一員於易州易縣本隘置司

隆鎮千戶所秩五品達嚕噶齊一員千戶一員百  
戶八員彈壓一員於龍慶州北口置司

左右翼屯田萬戶府二秩從三品分掌鄂端巴實伯  
里迴還漢軍及大名衛輝新附之軍并迤東迴軍合  
為屯田至元二十六年置延祐五年隸詹事院并入

衛率府復改隸樞密院定置兩府達魯噶齊各一員  
萬戶各一員副萬戶各一員經歷各一員知事各一  
員提控案牘各一員令史各五人屬官鎮撫各二員  
千戶所八達魯噶齊八員千戶八員副千戶八員  
百戶五十九員彈壓一十六員  
千戶所四達魯噶齊四員千戶四員副千戶四員  
百戶五十二員彈壓八員

左衛率府秩正三品至大元年撥江南行省萬戶府

精銳漢軍為東宮衛軍立衛率府設官十一員延祐  
四年始改為忠翊府又改御臨親軍都指揮司又  
以御臨非古典改為羽林六年復隸東宮仍為左衛  
率府定置率使三員正三品副使二員從三品僉事  
二員正四品經歷一員從七品知事一員照磨一員  
俱從八品令史七人譯史知事知印各二人其屬十  
有五

鎮撫所鎮撫二員

行軍千戶所十秩正五品達嚕噶齊十員千戶十員副千戶十員百戶二百員彈壓一十員

弩軍千戶所一秩正五品達嚕噶齊一員千戶一員百戶十員彈壓一員

屯田千戶所三秩正五品達嚕噶齊三員千戶三員百戶六十員彈壓三員

教官三員蒙古字教授一員儒學教授一員陰陽教授一員

右衛率府秩正三品延祐五年以薩勒奇諾爾萬戶  
府迤東女直兩萬戶府右翼屯田萬戶府合為右衛  
率府置官十二員後定置率使二員正三品副使二  
員從三品僉事二員正四品經歷二員從七品知事  
二員照磨一員俱從八品令史七人譯史通事知印  
各二人其屬七

鎮撫所鎮撫二員

千戶所五秩正五品千戶五員百戶四十五員彈



壓二員

教官一儒學教授一員

河南淮北蒙古軍都萬戶府秩正三品至元二十四年以四萬戶鄂囉齊改為蒙古軍都萬戶府設府官四員鄂囉官四員大德七年後改為河南淮北蒙古軍都萬戶府延祐五年罷鄂囉官副鎮撫等員定置都萬戶一員正三品副都萬戶一員從三品經歷一員從七品知事一員提控案牘一員俱從八品令史

七人譯史通事各一人屬官鎮撫二員

巴咱爾萬戶府萬戶一員副萬戶一員經歷知事提  
控案牘各一員鎮撫一員

千戶所一十翼達嚕噶齊一十員千戶十員副千  
戶十員百戶七十三員彈壓一十員

濟古爾台萬戶府萬戶一員經歷知事提控案牘各  
一員鎮撫一員

千戶所七翼千戶七員百戶三十八員彈壓七員

托里圖萬戶府萬戶一員副萬戶一員經歷一員知事一員提控案牘一員鎮撫一員

千戶所九翼千戶九員百戶六十二員彈壓九員和尚萬戶府萬戶一員副萬戶一員經歷一員知事提控案牘各一員鎮撫一員

千戶所六翼達嚕噶齊四員千戶六員副千戶四員百戶四十七員彈壓六員

砲手千戶所一翼千戶一員百戶六員彈壓一員

哨馬千戶所一翼達嚕噶齊一員千戶一員副千戶一員彈壓二員百戶九員鄂囉官二員

右阿蘇衛親軍都指揮使司秩正三品掌宿衛城禁  
兼營潮河蘇沽兩川屯田供給軍儲至元九年初立  
阿蘇巴圖達嚕噶齊置屬官二十三年遂名為阿蘇  
之軍至大二年改立右阿蘇衛親軍都指揮使司置  
達嚕噶齊三員都指揮使三員副都指揮使二員僉  
事二員四年省達嚕噶齊三員後定置達嚕噶齊一

員正三品都指揮使三員正三品副都指揮使二員  
從三品僉事二員正四品經歷二員從七品知事二  
員承發架閣照磨一員從八品令史七人譯史通事  
知印各一人鎮撫二員其屬五

行軍千戶所千戶七員百戶九員

把門千戶二員百戶五員門尉一員

本投下達嚕噶齊一員長官一員副長官一員

廬江縣達嚕噶齊一員主簿一員

教官儒學教授一員

左阿蘇衛親軍都指揮使司品秩職掌同右阿蘇衛  
至元九年初立阿蘇巴圖達嚕噶齊置屬官二十三  
年遂名為阿蘇之軍至大二年改立左阿蘇衛親軍  
都指揮使司置達嚕噶齊二員都指揮使六員副都  
指揮使四員僉事二員四年省達嚕噶齊一員都指  
揮使三員後定置達嚕噶齊一員都指揮使三員副  
都指揮使二員僉事一員經歷二員知事二員照磨

一員鎮撫二員其屬四

本投下達嚕噶齊二員長官二員

鎮巢縣達嚕噶齊二員主簿一員

圍宿把門千戶所一十三翼千戶二十六員百戶  
一百三十員彈壓一十三員

教官儒學教授一員

回回砲手軍匠上萬戶府秩正三品至元十一年置  
砲手總管府十八年始立為都元帥府二十二年改

為萬戶府後定置達嚕噶齊一員萬戶一員副萬戶一員經歷知事提控案牘各一員令史四人譯史一人鎮撫二員

千戶所三翼達嚕噶齊三員千戶三員副千戶三員百戶三十二員彈壓三員

唐古衛親軍都指揮使司秩正三品總領河西軍三千人以備征討至元十八年始立置都指揮使二員副都指揮使二員二十二年增都指揮使二員僉事



一員大德五年增指揮使二員至大元年增都指揮  
一員四年省都指揮使三員副都指揮使一員後定  
置都指揮使三員正三品副都指揮使二員從三品  
僉事二員正四品經歷一員從七品知事一員照磨  
一員俱從八品令史七人通事譯史知印各一人鎮  
撫二員鄂囉官正副各一員

千戶所九翼正千戶九員副千戶九員百戶七十  
五員彈壓九員鄂囉官正副各九員

門尉三建德門一和義門一肅清門一

教官二儒學教授一員蒙古字教授一員

桂齊衛親軍都指揮使司秩正三品至元二十四年

立置都指揮使二員副都指揮使二員僉事二員二十

十九年置達魯噶齊一員大德十一年增達魯噶齊

一員都指揮使四員副都指揮使四員至大元年省

達魯噶齊一員都指揮使四員副都指揮使三員後

定置達魯噶齊一員正三品都指揮使二員正三品

副都指揮使二員從三品僉事二員正四品經歷二員從七品知事二員照磨一員令史七人知印一人  
通事譯史各一人鎮撫二員

千戶所八翼每所置達嚕噶齊一員千戶一十六員百戶八十員彈壓八員門尉二員

延安屯田打捕總管府秩從三品管析居放良人戶并烏蘭濟蘇田地北來蒙古人戶至元十八年始設定置達嚕噶齊一員總管一員同知一員經歷知事

各一員屬官打捕屯田官一十二員

大寧海陽等處屯田打捕所秩從七品掌北京平灤等路析居放良布呼齊等戶至元二十二年置總管府元貞元年罷總管府置打捕所定置達嚕噶齊一員長官一員教官蒙古字教授一員儒學教授一員忠翊侍衛親軍都指揮使司秩正三品至元二十九年始立屯田府大德十一年增軍數立大同等處都指揮使司至大四年屬徽政院延祐元年改中都威

衛使司仍隸徽政院尋復改屬樞密院至治元年改  
為忠翊侍衛後定置都指揮使三員正三品副都指  
揮使二員從三品僉事二員正四品經歷二員從七  
品知事二員照磨一員俱從八品令史七人譯史知  
事知印各一人鎮撫二員

行軍千戶所一十翼達嚕噶齊一十員副達嚕噶  
齊一十員千戶一十員副千戶一十員百戶二百  
六員彈壓二十員

弩軍千戶所一翼達嚕噶齊一員千戶一員百戶  
一十員彈壓一十員

屯田左右手千戶所二翼達嚕噶齊二員千戶二  
員百戶四十員彈壓四員

西域親軍都指揮使司秩正三品元貞元年立設官  
十一員大德十一年增都指揮使二員又增都指揮  
使三員副都指揮使二員僉事二員至大四年省都  
指揮使五員副都指揮使二員僉事二員後定置達

嚕噶齊一員正三品都指揮使二員正三品副都指  
揮使二員從三品僉事二員正四品經歷二員從七  
品知事二員承發架閣兼照磨一員並從八品令史  
七人通事譯史知印各一人鎮撫二員

行軍千戶所千戶一十三員百戶二十九員

把門千戶二員百戶八員門尉一員

教官儒學教授一員

宗仁蒙古侍衛親軍都指揮使司秩正三品至治二

年以伊奇喇斯人氏二戶戶與所收蒙古子女通三千戶及清州匠二千戶屯田漢軍二千戶立宗仁衛以統之定置都指揮使三員正三品副都指揮使二員從三品僉事二員正四品經歷二員從七品知事二員照磨一員俱從八品令史七人知印二人克埒穆爾齊二人譯史二人鎮撫二員

蒙古軍千戶所一十翼千戶二十員百戶一百員  
彈壓一十員



屯田千戶所千戶四員百戶四十員彈壓四員  
教官二儒學教授一員蒙古字教授一員

山東河北蒙古軍大都督府秩從二品掌各路軍民  
科差征進及調遣總攝軍馬公事至元二十一年罷  
統軍司都元帥府立蒙古軍都萬戶府大德七年改  
山東河北蒙古軍都萬戶府延祐五年罷天曆二年  
改立為大都督府定置大都督三員從二品同知一  
員從三品副使一員從四品經歷一員從六品都事

二員從七品承發兼照磨一員正八品令史八人譯  
史通事知印各二人宣使五人典史三人鎮撫二員  
左手萬戶府萬戶一員副萬戶一員經歷一員知事  
一員提控案牘一員鎮撫一員

千戶九翼千戶一十一員百戶七十四員彈壓一  
十一員

右手萬戶府萬戶一員副萬戶一員經歷一員知事  
一員提控案牘一員鎮撫一員

千戶九翼千戶九員百戶六十三員彈壓九員

巴圖萬戶府達嚕噶齊一員萬戶一員副萬戶一員  
經歷一員知事一員提控案牘一員鎮撫一員

千戶六翼千戶七員百戶四十一員彈壓五員

哈達萬戶府達嚕噶齊一員萬戶一員經歷一員知  
事一員提控案牘一員鎮撫一員

千戶八翼千戶八員百戶二十四員彈壓八員

蒙古回回水軍萬戶府達嚕噶齊一員萬戶一員副

萬戶一員經歷知事提控案牘各一員鎮撫二員

千戶八翼達嚕嚕齊二員千戶六員百戶四十六

員彈壓九員

奇圖噶萬戶府初隸都府七千戶翼延祐三年樞密院奏改立萬戶府達嚕嚕齊一員萬戶一員副萬戶一員經歷知事提控案牘各一員鎮撫二員

千戶七翼千戶九員百戶三十五員彈壓八員

哈必齊千戶翼千戶一員百戶四員彈壓一員直

隸大都督府

洪澤屯田千戶趙國宏翼達嚕噶齊一員千戶一員副千戶一員百戶一十四員彈壓二員直隸大都督府

左翼蒙古侍衛親軍都指揮使司秩正三品至元十八年以蒙古侍衛總管府依五衛之例為指揮使司設官十二員鄂囉官二員大德七年奏改為左翼蒙古侍衛親軍都指揮使司延祐五年罷鄂囉官後定

置司官都指揮使三員正三品副都指揮使二員從三品僉事二員正四品經歷二員從七品知事二員承發架閣兼照磨一員並從八品令史七人譯史通事知印各一人典史二人鎮撫二員

千戶所七翼正十戶七員副千戶七員知事七員  
彈壓七員百戶六十二員

教官二蒙古字教授一員儒學教授一員

右翊蒙古侍衛親軍都指揮使司品秩同左衛至元

十八年以蒙古侍衛總管府依五衛例為指揮使司  
設官十二員鄂囉官二員大德七年奏改為右翊蒙  
古侍衛親軍都指揮使司延祐五年罷鄂囉官後定  
置司官都指揮使三員正三品副都指揮使二員從  
三品僉事二員正四品經歷二員從七品知事二員  
承發兼照磨架閣一員並從八品令史七人譯史通  
事知印各一人典史二人鎮撫二員

千戶所一十二翼正千戶一十二員副千戶一十

二員知事一十二員彈壓一十二員百戶一百九員

教官二蒙古字教授一員儒學教授一員

虎賁親軍都指揮使司秩正三品管領上都路元籍軍人兼鄂囉之事至元十六年立虎賁軍設官二員十七年置都指揮使二員副都指揮使一員又增置副都指揮使一員元貞元年以虎賁軍改為虎賁親軍都指揮使司十一年增置都指揮使六員至大四



年省都指揮使九員後定置司官都指揮使三員正  
三品副都指揮使三員從三品僉事二員正四品經  
歷一員從七品知事照磨兼承發各一員並從八品  
令史七人譯史通事知印各一人典史二人鎮撫二  
員都目一員

贊達勒齊千戶翼正達嚕噶齊一員副達嚕噶齊  
一員正千戶一員副千戶一員知事一員百戶二  
十員彈壓二員

布哈千戶翼正達嚕噶齊一員副達嚕噶齊一員  
正千戶一員副千戶一員百戶二十二員彈壓二  
員

托克托穆爾千戶翼正達嚕噶齊一員副達嚕噶  
齊一員正千戶一員副千戶一員知事一員百戶  
二十八員彈壓二員

大和塔拉千戶翼正達嚕噶齊一員副達嚕噶齊  
一員正千戶一員副千戶一員知事一員百戶二

十四員彈壓二員

楊千戶翼正達嚕噶齊一員副達嚕噶齊一員正  
千戶一員副千戶一員知事一員百戶二十二員  
彈壓二員

密喇卜和卓千戶翼正達嚕噶齊一員副達嚕噶  
齊一員正千戶一員副千戶一員知事一員百戶  
二十員彈壓二員

大都督府正二品管領左右欽察兩衛龍翊侍御東路

蒙古軍元帥府東路蒙古軍萬戶府哈喇婁萬戶府天  
曆二年始立欽察親軍都督府秩從二品後改大都督  
府置大都督三員正二品同知二員正三品副都督三  
員從三品僉都督事三員正四品經歷二員從六品都  
事二員從七品管勾一員照磨一員俱正八品令史八  
人蒙古筆且齊二人克埒穆爾齊二人知印二人宣使  
六人

右欽察衛秩正三品至元二十三年依河西等衛例

立欽察衛設官十員至元二年分為左右衛天曆二  
年撥隸大都督府定置達魯噶齊一員正三品都指  
揮二員正三品副使二員從三品僉事二員正四品  
經歷二員從七品知事二員照磨二員並從八品令  
史七人譯史通事知印各一人鎮撫一員

行軍千戶所十八達魯噶齊各一員千戶三十六  
員百戶一百八十員彈壓一十八員

屯田千戶所二達魯噶齊二員千戶二員百戶二

十員彈壓二員：

門尉二員

儒學教授一員至大四年始置蒙古字教授一員

延祐四年始置

左欽察衛秩正三品至治二年依阿蘇衛例分為兩

衛設官十員天歷二年撥隸大都督府定置衛官都

指揮使三員正三品副都指揮二員從三品僉事二

員正四品經歷二員從七品知事二員照磨一員從

八品令史七人譯史通事知印各一人屬官鎮撫二員

行軍千戶所一十翼千戶一十員百戶八十二員  
彈壓九員鄂囉官四員

守城千戶所一翼達嚕噶齊一員千戶一員百戶  
九員彈壓一員

屯田千戶所一翼達嚕噶齊一員千戶一員百戶  
十員彈壓一員

教官儒學教授一員

龍翊侍衛親軍都指揮使司秩正三品天曆元年始立設官十四員二年又置愛滿知事一員又以左欽察衛騰吉斯九千戶隸本衛定置官都指揮使三員正三品副都指揮使二員從三品僉事二員正四品經歷一員從七品知事二員照磨一員並從八品令史七人譯史二人克埒穆爾齊二人知印二人鎮撫二員



行軍千戶所九翼達嚕噶齊一員千戶六員副千戶一十員百戶四十員彈壓五員

屯田一翼欽察千戶所達嚕噶齊一員千戶一員百戶二十二員彈壓二員

教官二蒙古字教授一員儒學教授一員

哈喇婁萬戶府掌守禁門等處應值宿衛至元二十四年招集哈喇婁軍人立萬戶府尋移屯襄陽後征交趾大德二年置司南陽天歷二年奏隸大都督府

定置官達魯噶齊一員萬戶一員經歷知事各一員  
提控案牘一員鎮撫一員吏目一員

千戶所三翼千戶三員百戶九員彈壓三員

御史臺秩從一品大夫二員從一品中丞二員正二品  
侍御史二員從二品治書侍御史二員正三品掌糾察  
百官善惡政治得失至元五年始立臺建官設官七員  
大夫從二品中丞從三品侍御史從五品治書侍御史  
從六品典事從七品檢法二員獄丞一員七年改典事

為都事十九年罷檢法獄丞二十一年陞大夫為從一  
品中丞為正三品侍御史為正五品治書為正六品二  
十七年大夫以下品從各陞一等始置經歷一員大德  
十一年陞中丞為正二品侍御史為從二品治書侍御  
史為正三品皇慶元年增中丞為三員二年減一員至  
治二年大夫一員後定置御史大夫二員中丞二員侍  
御史二員治書侍御史二員品秩如上經歷一員從五  
品都事二員正七品照磨一員正八品承發管勾兼獄

丞一員從八品架閣庫管勾兼承發一員正九品掾史一十五人譯史四人知印二人通事二人宣使十人臺醫二人蒙古書寫二人典史六人庫子二人其屬有二殿中司殿中侍御史二員正四品至元五年始置秩正七品後陞正四品凡大朝會百官班序其失儀失列則糾罰之在京百官到任假告事故出三日不報者則糾舉之大臣入內奏事則隨以入凡不可與聞之人則糾避之知班四人通事譯史各一人

察院秩正七品監察御史三十二員司耳目之寄任  
刺舉之事至元五年始置御史十一員悉以漢人為  
之八年增置六員十九年增置一十六員始參用蒙  
古人為之至元二十二年參用南儒二人書吏三十  
二人

江南諸道行御史臺設官品秩同內臺至元十四年始  
置江南行御史臺于揚州尋徙杭州又徙江州二十三  
年徙于建康以監臨東南諸省統制各道憲司而總諸

內臺初置大夫中丞侍御史治書侍御史各一員統淮

東淮西湖北浙東浙西江東江西湖南八道提刑按察

司十五年增江南湖北嶺南廣西福建廣東三道二十

三年以淮東淮西山南三道撥隸內臺三十年增海北

海南一道大德元年定為江南諸道行御史臺設官九

員以監江淞江西湖廣三省統江東江西浙東浙西

南湖北廣東廣西福建海南十道大夫一員中丞二員

侍御史二員治書侍御史二員經歷二員都事二員照

磨一員架閣庫管勾一員承發管勾兼獄丞一員令史  
一十六人譯史四人回回掾史通事知印各二人宣使  
十人典吏庫子臺醫各有差

察院品秩如內察院至元十四年置監察御史十員  
二十三年增蒙古御史十四員書吏十四人又增漢  
人御史四員書吏四人後定置御史二十八員書吏  
二十八人

陝西諸道行御史臺設官品秩同內臺至元二十七年

始置雲南諸路行御史臺官止四員大德元年移雲南  
行臺於京兆為陝西行臺而雲南改立廉訪司延祐元  
年罷二年復立統漢中隴北四川雲南四道定置大夫  
一員御史中丞二員侍御史二員治書侍御史二員經  
厯一員都事二員照磨一員架閣庫管勾一員承發司  
管勾兼獄丞一員掾史一十二人蒙古筆且齊二人回  
回掾史一人通事二人知印一人宣使十人典史五人  
庫子二人



察院品秩同內察院監察御史二十員書吏二十人  
肅政廉訪司國初立提刑按察司四道曰山東山西道  
曰河東陝西道曰山北東西道曰河北河南道至元六  
年以提刑按察司兼勸農事八年置河東山西道陝西  
四川道十二年分置燕南河北道十三年以省併衙門  
罷按察司十四年復置增立八道曰江北淮東道曰淮  
西江北道曰山南江北道曰浙東海右道曰江南浙西  
道曰江東建康道曰江西湖東道曰嶺北湖南道十五

年復增三道曰江南湖北道曰嶺南廣西道曰福建廣

東道十九年增西蜀四川道二十年增海北廣東道改

福建廣東道曰福建閩海道以雲南七路置雲南道以

女直之地置海西遼東道二十三年以淮東淮西山南

三道撥隸內臺二十四年增河西隴右道是年罷雲南

道二十五年罷海西遼東二十七年以雲南按察司所

治立雲南行御史臺二十八年改按察司曰肅政廉訪

司大德元年徙雲南行臺于陝西復立雲南道三十年

增海北海南道其後遂定為二十二道每道廉訪使二員正三品副使二員正四品僉事四員兩廣海南止二員正五品經歷一員從七品知事一員正八品照磨兼管勾一員正九品書吏十六人譯史通事各一人奏差五人典吏二人

內道八隸御史臺

山東東西道濟南路置司

河東山西道冀寧路置司

燕南河北道真定路置司

江北河南道汴梁路置司

山南江北道中興路置司

淮西江北道廬州路置司

江北淮東道揚州路置司

山北遼東道大寧路置司

江南十道隸江南行臺

江東建康道寧國路置司

江西湖東道龍興路置司

江南浙西道杭州路置司

浙東海右道婺州路置司

江南北道武昌路置司

嶺北湖南道天臨路置司

嶺南廣西道靜江府置司

海北廣東道廣州路置司

海北海南道雷州路置司

福建閩海道福州路置司

陝西四道隸陝西行臺

陝西漢中道鳳翔府置司

河西隴北道甘州路置司

西蜀四川道成都路置司

雲南諸路道中慶路置司

元史卷八十六

欽定四庫全書薈要卷六千四百六十六 史部

元史卷八十七

明翰林學士亞中大夫知制誥兼修國史宋濂等修

志第三十七

百官三

大宗正府秩從一品國初未有官制首置斷事官曰扎爾古齊會決庶務凡諸王駙馬投下蒙古色目人等應犯一切公事及漢人姦盜詐偽蠱毒厭魅誘掠逃驅輕

重罪囚及邊遠出征官吏每歲從駕分司上都存留住  
冬諸事悉掌之至元二年置十員三年置八員九年降  
從一品銀印止理蒙古公事以諸王為府長餘悉御位  
下及諸王之有國封者又有集賽人員奉旨署事別無  
頒受宣命十四年置十四員十五年置十三員二十一  
年置二十一員二十二年增至三十四員二十八年增  
至四十六員大德四年省五員十一年四十一員皇慶  
元年省二員以漢人刑名歸刑部泰定元年復命兼理



置扎爾古齊四十二員令史改為掾史致和元年以上  
都大都所屬蒙古人并集賽軍站色目與漢人相犯者  
歸宗正府處斷其餘路府州縣漢人蒙古色目詞訟悉  
歸有司刑部掌管正官扎爾古齊四十二員從一品郎  
中二員從五品員外郎二員從六品都事二員從七品  
承發架閣庫管勾一員從八品掾史十人蒙古筆且齊  
十三人通事知印各三人宣使十人蒙古書寫一人典  
吏三人庫子一人醫人一人司獄二員

大司農司秩正二品凡農桑水利學校饑荒之事悉掌之至元十年始立置官五員十四年罷以按察司兼領勸農事十八年改立農政院置官六員二十年又改立務農司秩從三品置達魯噶齊一員務農使一員同知二員是年又改司農寺達魯噶齊一員司農卿二員司丞一員二十二年仍為大司農司秩仍正二品大德元年增領大司農事一員皇慶二年陞從一品增大司農一員定置大司農四員從一品大司農卿二員正二品

少卿二員從二品大司農丞二員從三品經歷一員從五品都事二員從七品架閣庫管勾一員照磨一員並正八品掾史十二員蒙古筆且齊二人回回掾史一人知印二人通事一人宣使一人典史五人

籍田署秩從六品掌耕種籍田以奉宗廟祭祀至元七年始立隸大司農十四年罷司農隸太常寺二十三年復立大司農司仍隸焉署令一員從六品署丞一員從七品司吏一人

供膳司秩從五品掌供給應需貨買百色生料并僧  
格籍入貨產至元二十二年始置隸司農置達嚕噶  
齊一員提點一員並從五品司令一員正六品丞一  
員正七品吏一人

輔用庫秩正九品掌規運息錢以給供需大使一  
員副使一員

興中州等處油戶提領所秩從九品提領一員大  
使一員副使一員歲辦油十萬斤以供內府至元

二十九年始置

蔚州麪戶提領所提領一員副使一員掌辦白麪  
葱菜以給應辦歲計十餘萬斤 右屬供膳

永平屯田總管府秩從三品達魯噶齊一員總管一  
員同知一員知事一員司吏四人至元二十四年始  
立於永平路南馬城縣以北京採木三千人隸之所  
轄昌國濟民豐贍三署各置署令一員署丞一員直  
長一人吏目二人吏二人

翰林兼國史院秩正二品中統初以王鶚為翰林學士

未立官署至元元年始置秩正三品六年置承旨三員

學士二員侍讀學士二員侍講學士二員直學士二員

八年陞從二品十四年增承旨一員十六年增侍讀學

士一員十七年增承旨二員二十年省併集賢院為翰

林國史集賢院二十一年增學士二員二十二年復分

立集賢院二十三年增侍講學士一員二十六年置官

吏五員掌管教習伊斯提喇卜文字二十七年增承旨一

員大德九年陞正二品改典簿為司直置都事一員至  
大元年置承旨九員皇慶元年陞從一品改司直為經  
歷延祐元年別置回回國子監學以掌伊斯提喇卜官  
屬歸之五年置承旨八員後定置承旨六員從一品學  
士二員正二品侍讀學士二員從二品侍講學士二員  
從二品直學士二員從三品屬官待制五員正五品修  
撰三員從六品應奉翰林文字五員從七品編修官十  
員正八品檢閱四員正八品典籍二員正八品經歷一

員從五品都事一員從七品掾史四人譯史通事知印  
各二人蒙古書寫五人書寫十人接手書寫十人典吏  
三人典書二人

蒙古翰林院秩從二品掌譯寫一切文字及頒降璽書  
並用蒙古新字仍各以其國字副之至元八年始立新  
字學士於國史院十二年別立翰林院置承旨一員直  
學士一員待制二員修撰一員應奉四員寫聖旨筆且  
齊十有一人令史一人知印一人十八年增承旨一員



學士三員省漢兒令史置蒙古筆且齊四人二十九年  
增承旨一員侍讀學士一員知印一人三十年增管勾  
一員大德五年陞正二品九年置司直一員都事一員  
皇慶元年改陞從一品設官二十有八吏屬二十有四  
延祐三年改司直為經歷後定置承旨七員學士二員  
侍讀學士二員侍講學士二員直學士二員待制四員  
修撰二員應奉五員經歷一員都事一員品秩並同翰  
林國史院承發架閣庫管勾一員正九品筆且齊一十

四人掾史三人通事一人譯史一人知印二人書寫一人典史一人

蒙古國子監秩從三品至元十四年始立置司業一員二十九年准漢人國學例置祭酒司業監丞延祐四年陞正三品七年復降為從三品後定置祭酒一員從三品司業二員正五品監丞一員正六品令史一人筆且齊一人知印一人

蒙古國子學秩正七品博士二員助教二員教授二

員學正學錄各二員掌教習諸生於隨朝百官集賽  
台蒙古漢兒官員家選子弟俊秀者入學至元八年  
置官五員後以每歲從駕上都教習事繁設官員少  
增學正二員學錄二員三十一年增助教一員典給  
一人後定置博士二員正七品助教二員教授二員  
並正八品學正學錄各二員典書一人典給一人

內八府宰相掌諸王朝覲傾介之事遇有詔令則與蒙  
古翰林院官同譯寫而潤色之謂之宰相云者其貴

似侍中其近似門下故特寵之以是名雖有是名而無授受宣命品秩則視二品焉大德九年以穆齊特等八人為之天歷元年為內八府宰相之職故附見于此云

集賢院秩從二品掌提調學校徵求隱逸名集賢良凡國子監玄門道教陰陽祭祀占卜祭道之事悉隸焉國初集賢與翰林國史院同一官署至元二十二年分置兩院置大學士三員學士一員直學士二員典簿一員

吏屬七人二十四年增置學士一員侍讀學士一員待  
制一員尋陞正二品置院使一員正二品大學士二員  
從二品學士三員從二品侍讀學士一員從三品侍講  
學士一員從三品直學士二員從四品司直一員從五  
品待制一員正五品二十五年增都事一員從七品修  
撰一員從六品元貞元年增院使一員大德十一年陞  
從一品置院使六員經歷二員至大四年省院使六員  
皇慶二年省漢人經歷一員後定置大學士五員從一

品學士二員正二品侍讀學士二員侍講學士二員並  
從二品直學士二員從三品經歷一員從五品都事二  
員從七品待制一員正五品修撰一員從六品兼管勾  
承發架閣庫一員正八品掾史六人譯史知印各二人  
通事一人宣使七人典史三人

國子監至元初以許衡為集賢館大學士國子祭酒  
教國子與蒙古大姓四集賢人員選七品以上朝官  
子孫為國子生隨朝三品以上官得舉凡民之後秀

者入學為陪堂生伴讀至元二十四年始置監祭酒  
一員從三品司業二員正五品掌國之教令皆德尊  
望重者為之監丞一員正六品專領監務典簿一員  
令史二人譯史知印典吏各一人

國子學秩正七品置博士二員掌教授生徒考較儒  
人著述教官所業文字助教四員分教各齋生員大  
德八年為分職上都增置助教二員學正二員學錄  
二員督習課業典給一員掌生員膳食至元二十四

年定置生員額二百人伴讀十大德四年生員三百人延祐二年增置生員一百人伴讀二十人

興文署秩從六品署令一員以翰林修撰兼之署丞一員以翰林應奉兼之至治二年罷置典簿一員從七品掌提調諸生飲膳與凡文牘簿書之事仍置典吏一人

宣政院秩從一品掌釋教僧徒及吐蕃之境而隸治之遇吐蕃有事則為分院往鎮亦別有印如大征伐則會



樞府議其用人則自為選其為選則軍民通攝僧俗並用至元初立總制院而領以國師二十五年因唐制吐蕃來朝見於宣政殿之故更名宣政院置院使二員同知二員副使二員參議二員經歷二員都事四員管勾一員照磨一員二十六年置斷事官四員二十八年增僉院同僉各一員元貞元年增院判二員大德四年罷斷事官至大初省院使一員至治三年置院使六員天曆元年罷功德使司歸宣政定置院使十員從一品同

知二員正二品副使二員從二品僉院二員正三品同

僉三員正四品院判三員正五品參議二員正五品經

歷二員從五品都事三員從七品照磨一員管勾一員

並正八品掾史十五人蒙古筆且齊二人回回掾史二

人克埒穆爾齊四人知印二人宣使十五人典吏有差

斷事官四員從三品經歷知事各一員令史五人知

印奏差譯史通事各一員至元二十五年始置

客省使秩從五品大使二員副使一員至元二十五

年置

大都規運提點所秩正四品達魯噶齊一員提點一員大使一員副使一員至元二十八年置

上都規運提點所秩正四品達魯噶齊一員提點一員大使一員副使一員知事一員至元二十八年置  
大都提舉資善庫秩從五品達魯噶齊一員提舉一員同提舉一員副提舉一員掌錢帛之事至元二十

六年置

上都利貞庫秩從七品提領一員副使一員掌飲膳  
好事金銀諸物元貞元年置

大濟倉監支納一員大使一員

興教寺管房提領一員

吐蕃等處宣慰使司都元帥府秩從二品宣慰使五  
員經歷二員都事二員照磨一員捕盜官二員儒學  
教授一員鎮撫二員其屬二

圖沙瑪路軍民萬戶府秩正三品達嚕噶齊一員

萬戶一員副達魯噶齊一員副萬戶一員經歷一員知事一員鎮撫一員

西夏中興河州等處軍民總管府秩正三品達魯噶齊一員總管一員同知一員治中一員府判一員經歷一員知事一員屬官稅務提領寧河縣官寧河托克托和斯五員寧河弓甲匠達魯噶齊洮州元帥府秩從三品達魯噶齊一員元帥一員知事一員

十八族元帥府秩從三品達魯噶齊一員元帥一員  
同知一員知事一員

積石州元帥府達魯噶齊一員元帥一員同知一員  
知事一員托克托和斯一員

禮店文州蒙古漢軍西蕃軍民元帥府秩正三品達  
魯噶齊一員元帥一員同知一員經歷知事各一員  
鎮撫二員蒙古鄂囉官一員蒙古鄂囉相副官一員

禮店文州蒙古漢軍鄂囉軍民千戶所秩從五品

達嚕噶齊一員千戶一員副千戶一員總把五員  
百戶八員

禮店文州蒙古漢軍西番軍民上千戶所秩正四  
品達嚕噶齊一員千戶一員百戶一員新附千戶  
二員

禮店階州西水蒙古漢軍西蕃軍民總把二員  
吐蕃等處招討使司秩正三品招討使二員知事一  
員鎮撫一員其屬附

圖沙瑪探馬軍四萬戶府秩正三品萬戶五員千  
戶八員經歷一員鎮撫一員

圖沙瑪路新附軍千戶所秩從五品達魯噶齊一  
員千戶一員副千戶一員

文扶州西路南路達伊克等處萬戶府秩從三品  
達魯噶齊一員萬戶二員

鳳翔等處千戶所秩從五品達魯噶齊一員千戶  
一員百戶一員



慶陽寧環等處管領總把一員

文州課程倉糧官一員

岷州十八族週迴捕盜官二員

當陽帖城阿布隆等處萬戶府秩從三品達嚕噶  
齊一員千戶一員

階文扶州等處蕃漢軍上千戶所秩正五品達嚕  
噶齊一員千戶二員

貴德州達嚕噶齊知州各一員同知州判各一員

托克托和斯一員捕盜官一員

貝成萬戶府達魯噶濟二員萬戶二員

松潘宕疊威茂州等處軍民安撫使司秩正三品達  
魯噶濟一員安撫使一員同知一員僉事一員經歷  
知事照磨各一員鎮撫一員威州保寧縣茂州文州  
縣文川縣皆隸焉

靜州茶上必里溪安鄉等二十六族軍民千戶所  
達魯噶濟一員千戶一員

龍木頭都留等二十二族軍民千戶所達嚕噶齊  
一員千戶一員

岳希蓬蘿蔔村等處二十二族軍民千戶所達嚕  
噶齊一員千戶一員

折藏萬戶府達嚕噶齊一員萬戶一員

吐蕃等路宣慰使司都元帥府宣慰使四員同知二  
員副使一員經歷都事各二員捕盜官三員鎮撫二  
員

朶甘斯田地裏管軍民都元帥府都元帥一員經歷  
一員鎮撫一員

喇嘛網等處招討使司達魯噶齊一員招討使一員  
經歷一員

本布田地裏招討使司招討使一員經歷一員鎮撫  
一員

本布喇實網百姓達魯噶齊一員

碯門魚通黎雅長河西寧遠等處軍民安撫使司秩

正三品達魯噶齊一員安撫使一員同知一員副使  
一員僉事一員經歷知事照磨各一員鎮撫二員  
六番招討使司達魯噶齊一員招討使一員經歷一  
員知事一員雅州嚴道縣名山縣隸之

天全招討使司達魯噶齊一員招討使二員經歷知  
事各一員

魚通路萬戶府達魯噶齊一員萬戶一員經歷知  
事各一員黎州隸之

碣門魚通等處管軍守鎮萬戶府達嚕噶齊一員  
萬戶一員經歷知事各一員鎮撫二員千戶八員  
百戶二十員彈壓四員

長河西管軍萬戶府達嚕噶齊一員萬戶二員  
長河西裏管軍招討使司招討使二員經歷一員

朶甘斯招討使一員

朶甘斯哈達李唐魚通等處錢糧總管府達嚕噶齊一  
員總管一員副總管一員哈喇台托克托和斯一員哈

喇托克托和斯一員朶甘斯昂吉爾茂穆蘇千戶一員  
伊實瑪爾網萬戶府達魯噶齊一員萬戶二員

烏斯藏納喇蘇古魯蘇等三路宣慰使司都元帥府  
宣慰使五員同知二員副使一員經歷一員鎮撫一  
員捕盜司官一員其屬附見

納喇蘇古魯蘇元帥二員

烏斯藏管蒙古軍都元帥二員

達哩管軍招討使一員

烏斯藏等處轉運一員

實魯蘇地裏管民萬戶一員

恰爾巴田地裏管民萬戶一員

烏斯藏田地裏管民萬戶一員

蘇爾瑪節幹田地裏管民官一員

薩喇田地裏管民官一員

楚密克萬戶一員

鄂蘭塔拉萬戶一員



斯達克隆拉萬戶一員

布木古爾齊戶一員

當布持巴千戶四員

嘉木巴萬戶一員

扎雅幹萬戶一員

雅爾布藏實巴萬戶府達嚕噶齊一員萬戶一員

千戶一員達哩托克托和斯一員

穆爾軍萬戶府達嚕噶齊一員萬戶一員吹古噶

巴千戶一員巴哩巴官一員

宣徽院秩正三品掌供玉食凡稻粱牲牢酒醴蔬菓庶品之物燕享宗戚賓客之事及諸王宿衛齊哩克琨糧食蒙古萬戶千戶合納差發係官抽分牧養孳畜歲支芻草粟菽羊馬價直收受拉瑪伊克等事尚食尚藥尚醞三局皆隸焉所轄內外司屬自為選用至元十五年置院使一員同知同僉各二員主事二員照磨一員二十三年陞從二品增院使一員置經歷二員典簿三員二十

三年陞正二品置院判二員省典簿置都事三員三十一年院使四員大德二年增同知二員三年陞從一品四年置副使二員皇慶元年增院使三員始定集賽台一萬人本院掌其給授後定置院使六員從一品同知二員正二品副使二員從二品僉院二員正三品同僉二員正四品院判二員正五品經歷二員從五品都事三員從七品照磨承發架閣庫各一員並正八品掾史二十人蒙古筆且齊六人回回掾史二人克埒穆爾齊

二人知印二人典吏二人蒙古書寫二人其屬附見

光祿寺秩正三品掌起運米麩諸事領尚飲尚醞局

沿路酒坊各路布種事至元十五年罷都提點置寺

設卿一員少卿三員主事一員照磨一員管勾一員

二十年改尚醞監正四品二十三年復為光祿寺卿

二員少卿丞各一員二十四年增少卿一員二十五

年撥隸省部三十一年復隸宣徽延祐七年降從三

品後復正三品定置卿四員正三品少卿二員從四

品丞二員從五品主事二員從七品令史八人譯史  
知印各二人通事一人奏差二十四人典史三人蒙  
古書寫一人

大都尚飲局秩從六品中統四年始置設大使副使  
各一員俱帶金符掌醞造上用細酒至元十二年增  
副使二員十五年陞從五品置提點一員後定置提  
點一員從五品大使一員正六品副使二員正七品  
上都尚飲局秩正五品皇慶中始置提點一員大使

副使各一員品秩同上

大都尚醞局秩從六品掌醞造諸王百官酒醴中統  
四年立御酒庫設金符宣差至元十一年始設提點  
十六年改尚醞局從五品置提點一員從五品大使  
一員正六品副使二員正七品直長一員正八品  
上都尚醞局秩從五品至元二十九年始置設提點  
一員大使一員副使直長各一員品秩同上

大都醴源倉秩從六品掌受香莎蘇門等酒材糯米

卿貢麴藥以供上醞及歲賜諸王百官者至元二十五年始置設提舉一員從六品大使一員從七品副使一員正八品

上都醴源倉秩從九品掌受大都轉輸米麴并醞造車駕臨幸次舍供給之酒至元二十五年始置設大使一員直長一員

尚珍署秩從五品掌收濟寧等處田土子粒以供酒材至元十三年始立十五年罷入有司二十三年復

置設達嚕噶齊一員令一員並從五品丞二員正七品吏目二員

安豐懷遠等處稻田提領所秩從九品掌稻田布種歲收子粒轉輸醴源倉定置提領二員

尚舍寺秩正四品掌行在帷幙帳房陳設之事牧養駱駝供進愛喇克乳酪至元三十一年始置監至大元年改為寺陞正三品四年仍為監尋復為寺延祐三年復降為正四品定置太監二員少監二員監丞二員知事二員



諸物庫秩從七品掌出納大德四年置設提領一員  
大使一員副使一員

拉木伊克監秩正四品掌布呼齊人口頭疋諸物至  
元二十年初立拉木伊克所秩九品二十五年改為  
監正四品二十八年陞正三品至大四年復正四品  
尋復正三品延祐七年復為正四品定置太監一員  
正四品少監二員正五品監丞二員正六品知事一  
員從八品提控案牘一員從九品令史五人譯史一

人知印兼通事一人奏差五人

尚食局秩從五品掌供御膳及出納油麩酥蜜諸物  
至元二年置提點領進納百色生料二十年省併尚  
藥局為尚食局別置生料庫本局定置提點一員從  
五品大使一員正六品副使二員正七品直長一員  
正八品

大都生料庫秩從五品至元十一年置生料野物庫  
隸尚食局二十年別置庫擬內藏庫例置提點二員

從五品大使二員正六品副使三員正七品

上都生料庫秩從五品掌受弘州大同虎賁司農等  
歲辦油麵大都起運諸物供奉內府放支宮人宦者  
飲膳提點一員大使一員副使二員品秩同上直長  
一員正八品

大都大倉上都大倉秩正六品掌內府支持米豆及  
酒材米麴藥物至元五年初立設官三員俱受制國  
用使司劄付十二年改立提舉大倉設官三員隸宣

徽二十五年陞正六品定置二倉各設提舉一員正六品大使一員從六品副使一員從七品

大都上都柴炭局各一至元十二年置秩從六品十六年改提舉司陞五品大德八年仍為局降正七品置達魯噶齊各一員正七品大都大使一員上都大使三員各正七品副使各二員正八品直長各一人掌葦場典吏各一人

尚牧所秩從五品至大四年始置設提舉二員從五

品同提舉一員從六品副提舉一員從七品吏目一員

沙糖局秩從五品掌沙糖蜂蜜煎造及方貢果木至元十三年始置秩從六品十七年置提點一員十九年陞從五品置達魯噶齊一員從五品提點一員從五品大使一員正六品副使一員正七品

永備倉秩從五品至元十四年始置給從九品印掌受兩都倉庫起運省部計置油麵諸物及雲需府所

辦羊物以備車駕行幸膳羞二十四年陞從五品置  
提點一員從五品大使一員正六品副使各一員正  
七品

豐儲倉秩從九品大使一員掌出納車駕行幸支持  
膳羞

淮東淮西屯田打捕總管府秩正三品掌獻田歲入  
以供內府及湖泊山場漁獵以供內膳至元十四年  
始立總管府并管連海高郵河泊提舉司沂州等處

提舉司事十六年置揚州鷹房打捕達魯噶齊總管  
府二十二年省併為淮東淮西屯田打捕總管府二  
十五年以兩淮新附手號軍千戶所隸本府及分置  
提舉司一十處定置達魯噶齊一員正三品總管一  
員正三品同知一員正五品府判一員正六品經歷  
一員從七品知事一員從八品提舉案牘一員從九  
品司吏六人

淮安州屯田打捕提舉司高郵屯田打捕提舉司

招泗屯田打捕提舉司安東海州屯田打捕提舉  
司揚州通泰屯田打捕提舉司安豐廬州等處打  
捕提舉司鎮巢等處打捕提舉司塔山徐邳沂州  
等處山場屯田提舉司凡八處秩俱從五品每司  
各設達魯噶齊一員提舉一員並從五品同提舉  
一員從六品副提舉一員從七品吏目二人

抽分場提領所凡十處曰柴墟東西口曰海州新  
埧曰北砂太倉曰安河桃源曰大湖東西口曰時



堡興化曰高郵寶應曰汶湖等處曰雲山白水曰  
安東州每所各設提領一員同提領一員副提領  
一員俱受宣徽院劄付

滿浦倉秩正八品掌收受各處子粒米麩等物以  
待轉輸京師至元二十五年始置設大使一員正  
八品副使一員正九品

圓米棋子局軟皮局各置提領一員同提領一員  
副提領一員俱受宣徽院劄付

手號軍人打捕千戶所秩從四品管軍人打捕野  
物皮貨至元二十五年始置設達魯噶齊一員上  
千戶一員上副千戶一員彈壓一員

上百戶七所各置百戶二員

鍾離縣 定遠縣 真揚州 安慶

安豐 招泗 和州

下百戶二所各置百戶一員

漣海 懷遠軍

龍慶栽種提舉司秩從五品管領縉山歲輸梁米并  
易州龍門淨邊官園瓜菓桃李等物以奉上供至元  
十七年始置提舉司延祐七年縉山改為龍慶州因  
以名之定置達嚕噶齊一員提舉一員並從五品同  
提舉一員從六品副提舉一員從七品

弘州種田提舉司秩正六品掌輸納麥麩之事以供  
內府定置達嚕噶齊一員提舉一員並正六品同提  
舉一員正七品副提舉一員正八品直長一員

豐潤署秩從五品掌歲入芻粟以給飼養駝馬之事  
定置達嚕噶齊一員令一員並從五品丞一員從六  
品直長一員正八品

常湖等處茶園都提舉司秩正四品掌常湖二路茶  
園戶二萬三千有奇採摘茶芽以貢內府至元十三  
年置司統提領所凡十有三處十六年陞都提舉司  
又別置平江等處榷茶提舉司掌歲貢御茶二十四  
年罷平江提舉司併掌其職定置達嚕噶齊一員提

舉一員俱從五品同提舉一員從六品副提舉一員  
從七品提控案牘一員都目一員

提領所七處每所各設正同副提舉各一員俱受  
宣徽院劄付掌九品印

烏程 武康德清 長興 安吉 歸安

湖汶 宜興

建寧北苑武夷茶場提領所提領一員受宣徽院  
劄掌歲貢茶芽直隸宣徽

大禧宗禋院秩從一品掌神御殿朔望歲時諱忌日辰  
禋享禮典天曆元年罷會福殊祥二院改置大禧院以  
總制之初院官秩正二品陞從一品置參議二員改令  
史為掾史二年改大禧宗禋院置院使六員增副使二  
員立諸總管府為之屬凡錢糧之出納營繕之作輟悉  
統之定置院使都典制神御殿事六員同知兼佐儀神  
御殿事二員副使兼奉贊神御殿事二員僉院兼祗丞  
神御殿事二員同僉兼肅治神御殿事三員院判兼供

應神御殿事二員參議二員經歷二員都事二員管勾  
照磨各一員掾史二十人譯史四人知印二人克埒穆  
爾齊二人宣使一十五人斷事官四員客省使大使副  
使各二員

隆禧總管府秩正三品至大元年建立南鎮國寺初  
立規運提點所二年改為規運都總管府三年陞為  
隆禧院天歷二年罷會福殊祥二院以隆禧殊祥併  
立殊祥總管府尋又改為隆禧總管府定置達嚕噶

齊一員總管一員副達嚕噶齊一員同知一員治中  
一員判官一員經歷一員知事照磨各一員令史六  
人譯史知印各一人克埒穆爾齊一人奏差四人

福元營繕司秩正五品達嚕噶齊一員司令一員  
大使一員副使一員吏目一人司吏一人天歷元  
年以南鎮國寺所立齊哩克昆事產提舉司改為  
崇恩福元提點所三年又改為福元營繕司

普安智全營繕司秩五品達嚕噶齊一員司令一



員大使副使各一員吏目一人司吏一人天歷元年以大玉山普安寺大智全寺兩規運提點所併為一置提點二員三年又改為營繕司

祐國營繕都司秩正四品達嚕噶齊一員司令一員大使副使各一員知事一員提控案牘一員天歷元年初置萬聖祐國營繕提點所三年改為營繕都司

平松等處福元田賦提舉司秩五品置達嚕噶齊

一員提舉一員同提舉副提舉各一員

田賦提舉司秩五品置提舉一員同提舉一員副  
提舉一員

資用庫提領一員大使一員

萬聖庫提領一員大使一員副使一員

會福總管府秩正三品至元十一年建大護國仁王  
寺及昭應宮始置財用規運所秩正四品十六年改  
規運所為總管府至大元年改都總管府從二品尋

陞會福院置院使五員延祐三年陞正二品天曆元年改為會福總管府正三品定置達魯噶齊一員總管一員同知一員治中一員府判一員經歷知事提控案牘各一員令史八人譯史通事知印各一人奏差四人

仁王營繕司正五品至元八年立護國仁王寺鎮遏提舉司十九年改鎮遏所二十八年併三提領所為諸色人匠提領所天曆元年改為鎮遏民匠

提領所三年改為仁王營繕司置達魯噶齊一員  
司令一員大使一員副使一員

襄陽營田提舉司秩從五品初置襄陽等處水陸  
地土人戶提領所設官四員大德元年改提舉司  
天歷二年仍為襄陽營田提舉司定置達魯噶齊  
一員提舉一員同提舉一員副提舉一員

江淮等處營田提舉司秩從五品至元二十七年  
始置達魯噶齊一員提舉一員同提舉一員副提

舉一員

大都等路民佃提領所至元二十九年以武清等  
一十處併立大都水陸地土種田人民提領所十  
五年又設隨路管民都提領所天曆元年併為大  
都等路民佃提領所定置提領一員大使副使各  
一員

會福財用所秩從七品掌大護國仁王寺糧草諸  
物至元十七年始立財用庫二十六年立盈益倉

天曆元年併財用盈益為所提領一員大使一員  
副使二員

崇祥總管府秩正三品至大元年立大承華普慶寺  
都總管府二年改延禧監尋改崇祥監四年陞為崇  
祥院秩二品泰定四年復改為大承華普慶寺總管  
府天曆元年改為崇祥總管府定置達嚕噶齊一員  
總管一員副達嚕噶齊一員同知治中府判各一員  
經歷知事提控案牘兼照磨各一員令史六人譯史

知印各一人克埒穆爾齊一人奏差四人

永福營繕司秩正五品延祐三年以起建新寺始  
置營繕提點所天歷元年改為永福營繕提點所  
三年改營繕司設達魯噶齊一員司令一員大使  
一員副使一員都目一員

昭孝營繕司秩正五品天歷元年立壽安山規運  
提點所三年改昭孝營繕司定置達魯噶齊一員  
司令一員大使副使各一員

普慶營繕司秩正五品天歷元年始置普慶營繕  
提點所三年改為營繕司定置達嚕噶齊一員司  
令一員大使副使各一員

崇祥財用所至大二年始置諸物庫四年置普贍  
倉天歷二年併諸物庫普贍倉改為崇祥財用所  
定置官提領一員大使副使各一員

永福財用所掌出納顏料諸物延祐二年始置諸  
物庫又置永積倉天歷二年以諸物庫永積倉併



改置為所設提領大使副使各一員

鎮江稻田提舉司達嚕嚕齊提舉同提舉副提舉  
各一員

汴梁稻田提舉司達嚕嚕齊提舉同提舉副提舉  
各一員

平江等處田賦提舉司達嚕嚕齊提舉同提舉副  
提舉各一員

冀寧提領所提領二員

隆祥使司秩正三品天曆二年中宮建大承天護聖寺立隆祥總管府設官八員至順二年陞為隆祥使司秩從二品置官司使四員同知副使司丞各二員經歷一員都事二員照磨兼架閣一員令史十人譯史通事知印各二人宣使十人典史六人

普明營繕都司秩正四品天曆元年勅大龍興普明寺于海南置規運提點所設官六員二年撥隸隆祥總管府三年改為都司品秩仍舊以掌營造

出納錢糧之事定置達嚕噶齊司令大使副使各一員知事一員提控案牘一員

集慶萬壽營繕都司秩正四品天曆二年建龍翔萬壽兩寺于建康立龍翔萬壽營繕提點所為隆祥總管府屬三年改為營繕都司秩仍舊以掌營造錢糧之事定置達嚕噶齊司令大使副使各一員知事提控案牘各一員

元興營繕都司秩正四品掌營造錢糧之事天曆

元年始置大元興規運提點所置官五員三年改都司置達嚕噶齊二員司令大使副使各一員知事提控案牘各一員

宣農提舉司秩從五品達嚕噶齊提舉同提舉副提舉各一員掌徵收田賦子粒之事天曆二年以大都等處田賦提舉司隸隆祥總管府三年改提舉司

護聖營繕司秩正五品達嚕噶齊司令大使副使

各一員掌營造工匠寺僧衣糧收徵房課之事天  
歷二年始立大承天護聖營繕提點所三年改為  
司

平江善農提舉司秩從五品達魯噶齊提舉同提  
舉副提舉各一員天歷二年立田賦提舉司設官  
四員三年改為善農提舉司

善盈庫天歷二年隸隆祥總管府置提領一員大  
使副使各一員掌金銀錢糧之事

荆襄等處濟農香戶提舉司秩正五品天曆三年  
以荆襄提舉司所領河南湖廣田土為大承天護  
聖寺常住改為荆襄濟農香戶提舉司隸隆祥總  
管府置達嚕噶齊司令提舉同提舉副提舉各一  
員

龍慶州等處田賦提領所秩九品提領副提領各  
一員天曆二年置掌龍慶州所有土田歲賦平江  
集慶崇禧田賦提領所提領同提領副提領各一

員天歷三年始置

集慶崇禧財用所大使副使各一員天歷三年始置

壽福總管府掌祭供錢糧之事秩正三品至大四年因建大聖壽萬安寺置萬安規運提點所秩正五品延祐二年陞都總管府秩正三品尋陞為壽福院正二品天歷元年改立總管府仍正三品定置官達魯噶齊總管副達魯噶齊同知治中府判各一員經歷

知事案牘照磨各一員令史六人知印通事譯史各一人奏差四人典吏二人

萬安營繕司秩正五品天歷二年以萬安規運提點所既廢復立萬安營繕司定置達嚕噶齊司令大使副使都目各一人

萬寧營繕司秩正四品大德十年始置萬寧規運提點所天歷元年改營繕司定置達嚕噶齊司令大使副使都目各一員



收支庫提領一員大使一員

延聖營繕司秩正五品初立天源營繕提點所天  
曆三年改營繕司定置達嚕噶齊司令大使副使  
都目各一員

諸物庫提領一員大使一員

元史卷八十七